



空同集卷第二十九

七言律詩七十二首

赴郊觀宿

北郡李夢陽撰

城邊水色靜春茅苑外鶯啼拂露梢萬戶烟花臨複  
道九天宮殿鎖南郊霓旌夜發清溪繞彩仗晨飛碧  
樹交身到鈞天渾不解坐聞仙樂下雲旂

曉詣西壇候駕

萬宇沉沉曉漏催九關魚鑰遲明開闐闐鼓角空中  
起片片爐烟霧裏來氣結龍文隨御幄風傳虎旅發  
仙臺叨從百辟觀周典不向秋風數漢才

西壇候 駕卽事

太歲宮高接禁牆先農大燾兩相望陰陰背日朱旗  
閃黯黯參天翠柏長別殿爐烟清幄次虛壇草色淨  
乘張祠官指點躬耕地田畷行瞻袞鉞光

扈從耕藉

天行近野團龍蓋萬姓環門識袞袍竟畝難寬卿相  
力藉耕無乃聖躬勞侵壇碧草茸茸起去殿紅雲冉冉  
高已忝賜筵思報述即陳潘賦愧詞曹

桂殿

桂殿芝房曙色通垂垂苑柳綠烟中桑乾斜映千門  
月碣石長吹萬里風已有金吾嚴御陌遙傳玉輅下

齋宮侍臣鵠立松陰裏時倚紅雲望碧空

謁陵

本朝陵墓傍居庸聞說先皇駐六龍一自玉輿回朝  
漠遂令金殿鎖秋峰明禋袞職雖多預備物祠官豈  
盡供報祀獨知今上切每於霜露見愁容

秋懷八首

龍池放舶他年事坐對南山憶往時紫閣峰如欺太  
白昆吾山自繞皇陂雙洲茵茗秋堪落亂水蒹葭晚  
更悲谷口子真今得不否攀雲騎馬任吾之

慶陽亦是先王地城對東山不崩墳白豹寨頭惟皎  
月野狐川北盡黃雲天清障塞收禾黍日落谿山散

馬群回首可憐，鼙鼓急幾時重起郭將軍。

宣宗玉殿空山裏，野寺霜黃鎖碧梧。不見虎賁移大  
內，尚聞龍舸戲西湖。芙蓉斷絕秋江冷，環珮淒涼夜  
月孤。辛苦調羹三相國，十年垂拱一愁無。

苑西遼后洗粧樓，檻外芳湖靜不流。亂世君臣那在  
眼，異時松柏自深愁。雕闌玉柱留天女，錦石秋花隱  
御舟。萬古中華還此地，我皇親爲掃神州。

胡奴本意慕華風，將校和戎反劇戎。遂使至尊臨便  
殿，坐憂兵甲不還宮。調和幸賴惟三老，閱實今看有  
數公。聞道健兒多戰死，暮雲羌笛滿雲中。

大同宣府羽書同，莫道居庸設險功。安得昔時白馬  
將，橫行早破黑山戎。書生誤國空談裏，祿食驚心旅  
病中。女直外連憂不細，急將兵馬備遼東。

曾爲轉餉趨榆塞，尚憶悲秋淚滿衣。沙白凍霜月皎  
皎，城孤哀笛鴈飛飛。運籌前後無功伐，推轂分明有  
是非。西國壯丁輸輓盡，近邊烟火至今稀。

崑崙北極轉天河，獨馬年時向此過。渥洼西望迷龍  
種，突厥南侵牧橐駝。黃花古驛風沙起，白雪陰山金  
鼓多。况是固原新戰鬪，居人指點說干戈。

雪後朝天宮

馬上城中見雪山，白雲蒼霧滿燕關。蓬萊只尺無人  
到，松柏黃昏有鶴還。當日翠華游物外，百年金殿鎖

人間浮塵擾擾江湖遠  
悵望巖樓不可攀  
新秋見月  
憶在黃河草堂靜坐臨秋月  
孤娟娟水門蕭條向蘆  
葦石瀨逶迤回舸船  
頻干祿食去多阻  
遠望江湖情  
可憐傳語魚龍莫浪喜  
抱珠今夜且須眠

春晴憶湖上

湖上晴烟積雪春  
柳條湖水接芳新  
林鶯恰恰稀逢侶  
岸日暉暉低向人  
汀芷渚蘭暄自碧  
浴鳧飛鷺晚相親  
美移白日思漁舸  
嘯倚青雲愧此身

晚晴郊望

早時鳴雨晚細微  
忽有返照來荆扉  
山禽水禽交止

語桃花梨花相逐飛  
村村柳條弱欲斷  
家家麥苗青不稀  
睡起登樓時極目  
出雲歸岫願何違

郊行

二月梁園獨未歸  
岸花汀柳各依依  
且將弱縷牽行騎  
莫厭繁香點客衣  
蝶暖蜂暄從自得  
鳥黃沙白爲誰飛  
平生漫有憐芳興  
未老能令萬事稀

河發登望

七月七日河水發  
康王城邊秋可憐  
買魚沽酒此村口  
打鼓鳴鑼何處船  
白晝蛟龍時一鬪  
中流日月晚雙懸  
紛紛估客休回首  
漁子清歌會渺然

時景

梁苑桃花寒復開，塞門霜雪鴈飛迴。  
天涯涕淚秋偏墮，歲暮陰陽老更催。  
無病過年遊五岳，不眠終夜望三台。  
歸鴻漸木終非地，濁浪滔天首重回。  
見雲雷垂垂不雨，悵然有作。

聞旁郡雷雨

尉氏陳留雷雨深，大梁猶繫望霓心。  
當堦螻蟻亦愁思，對面班鳩空好音。  
河朔樓臺安避暑，塞垣金鼓助沾襟。  
江離憔悴黃塵滿，寂寞魚龍何處吟。

盜賊

勅書新調蜀襄兵，漢北關南寇未輕。  
密邇千斤竹杵嶺，不聞滿四石頭城。  
秦州即易通王貢，棧道終難拔

漢旌安得較如曹，相國務農休甲賀昇平。

竹杵山劉千斤叛地

也滿四成化間叛賊

喜雨命酌

毒熱兀兀滯梁城，不眠聽雨到天明。  
沙田易涸應全賴，稂莠雖鋤却更生。  
年稔不須防盜賊，家貧兼得免經營。  
紛披檻竹迎余笑，遮莫尊醪起自傾。

晚晴步園

覽霽羣芳媚小園，步林斜日淨幽軒。  
歸雲過雨時聞

濕竝葉牽風對直翻幸有桑麻供暮景苦聞豺虎徧  
中原天開霞石熒熒晚瓦雀林鴉各自喧

正德辛未四月十七日簡書始至於時久旱  
甘澍隨獲漫爾寫興

苦蒸卓午汗交頤昏暝雨飛如颺絲舟楫自茲杳將  
去波濤滿意復何疑重書况屬臨門日江漢須看放  
舸時肯信吾遊兼吏隱五峰彭蠡是襟期

旅泊雨夕聞鴈

季秋鄱峴陰陰雨殘葦折荷翻白濤此夜孤舟聞鴈  
語隔雲何處認風毛隨陽影慣湖波險避弋心驚塞  
角高南去北來同一旅世情人事莫蕭騷

日照

日照江煙翠欲重夢迴沙觀始鳴鐘浪於洪郡思洪  
子豈合松門有赤松萬事寸心徒計較兩間衰髮且  
從容靜來陡覺忘言好把酒看花意每濃

洪都以洪  
匡名松門  
山在新  
建縣

杪夏急雨江州

急雨吞江倒石根吐雲壓岳近城門驚雷不下雙蛟  
鬪孤電能開九疊昏白晝黃濤翻庾閣蒼崖翠木溜  
陶村乘時詫有扶搖力六月東南見化鯤

繁臺春集

小徑綠臺春自花重堤飛閣盡雲沙能將白髮隨流

輩奈有清壺遣歲華  
斷塔草垣增闕寂  
古城芳岍趣  
歌斜忽驚旅鴈思  
南北海色邊  
愁入暮笳

儻居避隘般移之日  
雨乎適至厥時久燥

土市子東曹門西衡門之下  
聊栖栖古堂疎豁還高  
榻故國行藏有杖藜  
已多佳樹琴書靜復值  
炎天雷雨低  
幡幡麥秀真堪喜  
阮籍途窮未足啼

出郊

簡懶經秋此出郊  
野煙霜日靜衡茅  
林桃葉盡青猶  
實陂麥苗齊綠自苞  
堤曲獵狐穿雪窟  
塔巔彈鶴落  
風巢隨心樂事非  
難取舉眼平生覺易拋

探春

老去探春每怕遲  
酒朋棋伴日相追  
無心柳絮當人起  
有意桃花背馬隨  
臺榭草蒿離亂後  
往來絃管古今悲  
幽崕尚慮殘梅在  
玉笛丁寧莫放吹

野園

春來無雨風常顛  
野園諸花更可憐  
輕車快馬此何日  
美蘂攀條看遠天  
撲酒遊絲低細細  
近人鬬蝶過娟娟  
真知白日繩堪繫  
莫使孤城入暮煙

冬歸繁臺別業湯興

莽壙孤城此卜居  
宋臺梁苑獨行予  
虛名馬愧千金後  
白首螢憐萬卷餘  
踏麥遽堪寒葉翠  
看梅無那臘花舒  
相逢莫漫嗔吾放  
野醉郊吟盡可書



雪日繫臺院閣酒集

臘朝筵向雪邊開倚閣風從萬里回枯樹故當看處  
濕飛花偏墮掌中杯山河文物他年賦今古衣冠異  
地材舉目蕭蕭改天色玉梯扶醉更登臺

雪後上方寺集

雪罷園林出碧梧上方樓殿靜虛無日臨墻地水先  
落雲破中天塔自孤爛熳此堂人醉散一雙何處鶴  
來呼邀留更待松門月今夜同君坐玉壺

歲暮五首

萬木蕭蕭俱歲暮疎梅修竹可憐風三河晴雪飛鴻  
裏四海孤城返照中白首園林惟闕寂紫塵車馬自

開通誰堪物序驚前事况復馮高數廢宮

臨除絃管益紛紛考鼓撞鐘處處聞蜀錦越羅連夜  
製綵蛾花勝逼年分流傳自是豪華地悵望能堪日  
暮雲澤草芊芊已新色鴈南猶起北風群

堂北融泥雲氣生堂南枯樹兩禽鳴冰霜眼過風須  
轉歲月心懸老自驚辭臘酒憐比舍餽迎春花欲上  
階明壯圖廻首今遲暮點檢塵埃笑拂纓

嘆往嗟來祗自癡未衰那即髮如絲同朝鷓鴣雲霄  
隔故國松楸道路疑園草喚愁偏勃勃檻梅偷臘故  
垂垂端居寂寞無雙燕強食栖遲有一枝

歲當癸酉廬山曲冬盡扁舟記獨樓湖海合冰龍書

立谿林壓雪虎時啼陰陽晴晦雙過鳥南北行藏一  
杖藜今日中原對河嶽暮雲回首楚江西

春暮丁丑年作

歲歲花時出醉歸傷心今日復芳非善開朱杏非雙  
帶懶轉黃鸝只自飛海內詩朋官罷減城中酒伴病  
來稀庭枝爛熳催春暮日午風香獨倚扉

夜風堂前冬青架什折其二榦曉雪驟至

冬青手植年真久冷日寒姿頗映堂追悔木闌晴未  
補忍教風榦夜俱傷亂階朱實離離靜什雪青條禱  
禱長翹首高雲憶松柏後凋溪壑轉蒼蒼

戊寅早春上方寺

地闊城空春自幽青松黑塔雲常浮入門鈴磬忽一  
發暇日臺池聊共游連錢杏來誰氏騎白玉競浴何  
年鷗醉筆要知吾湯興明朝休用碧紗罨

無題戲效李義山體

曾倚清酣奏綵毫象牀冰簾玉樓高徐娘老夫風情  
在班女愁來賦興豪秦柳日斜傷渭曲楚蘭春暮怨  
湘臯仙根寂寞崑崙遠浪說人間有碧桃

時植甫畢風雪遽至漫爾有作

草樹新培置藥闌醉吟閒凭足心寬豈虞晨雪娟娟  
布無那春枝颯颯寒猶有一花當坐媚幸留雙柏與  
人看日晴紅綠應全勝爲勸先生且放餐

爲園

平生走馬呼鷹地白首爲園學種瓜碧草故要安石  
屐青天常滿邵雍車圍闌換土心真苦繞菊依松徑  
不斜昨遇日晴間自步別蹊桃李又風花

晚秋明遠樓宴集

斜日層城合暮烟新晴高閣敞秋筵衣冠四海追游  
地霜露中原感慨年去鳥來鴻凭檻外飛雲落木把  
杯前回身忽在星辰上醉眼真疑到九天

新年作次喻監察韻

新年雨雪亦太恁十日中無一日晴豈應雷電除夜  
作復爾天鼓東南鳴諸軍幸擣蓮池穴太將宜堅細

柳營幾欲臨風撫長劍白頭還自笑書生

甲申元日試筆柬友

人生五十驚衰醜五十從今又數三老漫更何防市  
虎少狂曾亦濫朝駟鸚鵡舊侶俱鳴珮鹿豕深山自  
結庵短髮不須憂重白吾居元傍菊花潭

九日詣東庄遇水則舟之同黃子符李二生  
出門萬水吟風葉挈友重陽上野舟數月雨陰今白  
日一身天地此清秋遂時庄菊花初放應節村杯酒  
暫酬晚暮更催雙棹返汴州誰信有滄洲

正月大雨雪遣懷

梁園春初雲不開雪花壓城滾滾來似有驅龍朝玉

關豈無騎鶴下瑤臺光牽五色黃煙動勢擁三河白  
浪迴欲向瓊樓問寒暖素安久已卧蒿萊

陶君誇其分司桃花獨樹予往觀之次其韻  
老懶今來特爲花花奇親見主人誇入門風片時時  
墜近酒春枝故故斜湖海一尊憐舊侶乾坤雙鬢愧  
年華明朝許赴柴門約共醉東園萬樹霞

同賦

曹嘉

獨樹紅桃大放花主人折贈衆賓誇當筵雨萼晴  
猶濕倚檻風枝午更斜賸有琴書分秀色豈容蜂  
蝶亂芳華英用海內如君少擬報瓊瑤醉紫霞

和君席上海棠賞之二首

老興看花不厭頻折紅攀綠總怡神孤枝解動雙樽  
影數朶能回四座春誰遣物華成歲色自多人世有  
閒身年來斷酒因脾濕爲爾還應暫入唇

餅中海棠亦太劇細小翠擁臙脂深穠姿故薰欲醉  
眼芳信暗傳嘗苦心偶逢一枝已自惜若臨全樹更  
須吟花時不道天無意一日常橫半日陰

庄上看花歸見庭中海棠落英與客同賦

三日野花風打稀朝游酒伴暮醒歸臨門天桃不汝  
惜當院海棠胡自飛已憐錦繡半鋪地更訝芳香時  
點衣便應與君酌明月醉眼天地生光輝

春日過黃公新堂

黃家新堂逼春起紫燕尋巢時自來久陰烟雲眼底  
豁乍晴河嶽窓中開物情野色且幽寂日光人意能  
徘徊持杯布席就芳草醉深同卧林邊苔

夏日

稍喜夏來天日晴遽看諸物盡生成纍纍杏實攢高  
蟻赤赤榴花坐小鶯晝夜寒暄猶混雜乾坤清濁固  
分明留賓酒茗吾能供春筍蒲林今更生

陶公過曹濮分司見叢菊蔓草中移之自隨  
有詩傷之豈以爲家物邪予覽而和之

野館寒芳抱自知好吟公子發秋悲春風世路元桃  
李霜露鄉關有髮絲三嗅草萊行復立數株車馬載

還隨東籬可謂君家物竹帛勲名晚節垂

正月四日始出赴黃子之宴南鄰何儀賓以  
美醪助杯卽席口占

杜門常日追游少新歲初筵獨詣君幸有鄰家能過  
酒况多賓客善論文樓臺霽日斜含雪竹樹和烟暮  
閣雲入夜不歸雙燭秉近尊猶喜落梅芬

陶王二君來賞牡丹

同城何苦不同懽况復春風到牡丹香滿正宜携酒  
問色深畚柰近燈看綵雲紅霧晴長擁澹月微霜夜  
故寒任使群芳妬傾國古今須讓百花冠

冬日學司偶見庭菊

東雨晴霜爾自開偶逢私恨過秋來違時只爲含中  
色入藥終須顯上才已許數花卷袖采能分一本向  
籬栽冬巡若憶重看約莫使文輶觸雪迴

秋日東庄宴集

郊園秋晚只風林冠蓋群遊是盍簪楓葉近尊朝映  
日菊叢淹坐暮橫陰煙霞故引旌旗色鳥雀應疑簫  
笛吟月底金鞍散歸馬野雲回首少微深

同賦

曹嘉

菊釀新開承露盤浚郊出賞盡銀鞍風林一葉地  
逾靜塞鴈雙飛天自寬亭榭傍雲秋動色旌旗夾  
水晝生寒南州榻宴名今古未信風流勝此懽

二月望留雲閣雨集

今年花朝花爛開春風細雨臨高臺繞闌紅濕舞英  
重隔牕黃閃流鶯迴連日霰霰地已足薄暮風雲天  
更來眼看萬物歛生色爾我胡惜黃金杯

海棠爛然要諸君子賞之分韻得壺字二首

繞樹巡簷興恨孤縵紅繁綠似渠無童知小徑晨先  
掃客有高軒夜特呼已拚落英欺舞袖更堪歌鳥勸  
提壺幸能老去花常健遮莫尊前醉共扶

春深花樹爛模糊花下朋遊酒一壺帽側故拳輕朶  
插席安仍取積英鋪日烘擾擾蜂能趁煙動關關鳥  
更呼客散獨燒高燭照老來真自笑狂夫

雨中海棠

憐花常欲報花安醉眼冥冥雨自看  
朵朵臙脂深更濕杯杯竹葉滿須乾  
等閒細片休輕落率爾春風且恁寒  
朝爲行雲暮仍雨凌波獨立汝應難

艮嶽

宋家行殿此山頭千載來人水一丘  
到眼黃蒿元玉砌傷心錦纜有漁舟  
金縉社稷和戎日花石君臣棄國秋  
漫倚南雲望南土古今龍戰是中州

空同集卷第二十九

空同集卷第三十

北郡李夢陽撰

七言律詩七十一首

潼關

咸東天險設重關閃日旌旗虎豹閒  
隘地黃河吞渭水炎天白雪壓秦山  
舊京想像千官入餘恨逡巡六國還  
滿眼非無棄繻者寄言軍吏莫嗔顏

題雲臺觀

雲臺觀枕玉泉湄翠削三峰對不移  
牕裏山光時隱見晚來雲氣壁淋漓  
醮辰絳節朝群帝天路金童引鳳螭  
頭白掃門憐弟子斲松石礙白苓滋

榆林城

旌干嫋嫋動城隅十萬連營祇爲胡不見坐銷青海  
箭盡言能挽繡螭弧白金獸錦非難錫鐵券貂璫莫  
浪圖昨夜照天傳砲火過河新駐五單于

出塞

黃河白草莽蕭蕭青海銀州殺氣遙關塞豈無秦日  
月將軍獨數漢嫋姚往來飲馬時尋窟弓箭行人日  
在腰晨發靈州更西望賀蘭千嶂果雲霄

武昌

武昌城北大江流沱水夾成鸚鵡洲楚蜀帆檣風欲  
趁蛟龍濤浪暮堪愁青烟自沒漢陽郭新月故懸黃

鶴樓無限往來傷赤壁三分輕重本荊州

江行

江行日日隨風雨日日迎風帆不懸頗恠蛟龍懼出  
沒更兼鷗鷺劇連翩惚開浙浙琴書濕岼轉冥冥竹  
纜牽廻合萬山心目破撇漩誰忍向湖烟

泛湖

匡廬彭蠡曲相連伐鼓蠻歌赴進船屏見雲橫石壁  
淨鏡開日破浪花圓漁樵山澤堪時給盜賊干戈枉  
自纏遣帥已添新節制指揮行見掃風烟

南溪秋泛三首

聞說南溪徑尺魚漁人何事網常虛魚行碧葦深先



見網入寒潭迥不舒東舍刈禾搖夕浦西隣決水溜  
秋渠平生肉食憂空切此日臨淵意有餘  
乍見鷓鴣立釣磯還驚翡翠掠波飛汀葭晚宿濛濛  
霧野竹晴含宛宛暉謝傳未忘舟楫興楚臣空戀芟  
荷衣蒼茫水落雲泥靜悵望林翁却自歸  
却向林亭觀水磴暫移沙舸躡雲堆奔湍迅轂元相  
激石竇桐標故不摧旋影動搖波底日斷聲吹轉地  
中雷何人解識機心事後世徒矜造化才

遊西山歸呈熊卓

高閣開襟生遠興西山當眼更分明酒邊花樹三春  
暗湖上風林盡日清憶昨竝穿巖洞入只今疑繞薜

蘿行浮生擾擾非吾意去鳥悠悠空世情

出輝縣城望石門山其上有仙潭玉鯉

明星欲落開縣城千峰萬峰初雪晴源泉亂石涓涓  
溢削壁孤雲裊裊生估客深穿猛虎窟樵夫習傍翠  
巖行仙門屹立三潭水玉鯉空懸一線情

盤山道中作

礪道晴雲雪草春石門丹壁鬪嶙峋聞雷不羨蛟龍  
起避地畚將虎豹隣少室山人虛索價壺關三老實  
藏珍烟花白日經行處鴻鴈冥冥嘆此身

遊上方寺晚登鐘樓

東北叢林冠此都地分清寂聚僧徒青天寶塔還今

古赤日珠光乍有無  
草徑鷺軋時獨立松林鶴並晚  
相呼登樓更見河流急  
嘆世因悲馬負圖

王孟寺北望

在郟城縣南

暑路塵沙淹客心  
晚原臺榭慰登臨  
西山日抱重簷落  
汝水雲移畫棟陰  
盜賊兩河猶轉戰  
朝廷萬載莫輕侵  
懷芹欲獻江湖遠  
北望徒傷北極深

賢隱寺

在信陽州

谷寺鳴鐘午未深  
耽幽特與伴相尋  
行穿樹杪樓臺見  
坐傍山腰紫翠沉  
獨響澗泉傳石竇  
並飛梁燕入松陰  
徘徊自笑三江客  
佇望誰知萬里心

開元寺

讀書臺倚鶴鳴峰  
廻合千山翠萬重  
白晝懸泉喧霹靂  
清秋雙劍削芙蓉  
撐持古寺還雲閣  
寂寞前朝自暮鐘  
瑤草石壇應不死  
興來真欲跨飛龍

瀑壑晚坐

醉踏匡山晚未遲  
翠巖丹壑凜秋姿  
峰高瀑布天齊落  
峽靜星河夜倒垂  
遠害欲尋麋鹿伴  
暫羈終與世人辭  
磨嵯徧剔蒼苔讀  
獨坐雲松有所思

五面石

東華山北五面石  
削成五面何嶙峋  
崩嵯鼠餐何代雪  
陰洞苔滋千古春  
映日閃閃上雲氣  
步天渺渺昇仙真  
草木食亦吾志放  
浪胡爲羈此身

東華山贈友

午時叱馭踰重險薄暮捫蘿到絕巔四海風煙落日  
外萬山閩越酒杯前劇傷嶺谷旌旗滿暗憶家園道  
路偏自古有人同戮力吾曹須擬太平年

龜峰寺

弋陽縣南山下寺三十二峰羅列奇最愛紫烟生石  
鼎絕憐青嶂削靈芝峭岨哀壑還人世古往今來自  
鬢絲已遣野場維玉騎合留巖月照金巵

石鼎靈芝  
並峰名

別龜峰

江上龜峰天下稀挈朋貪賞夜忘歸冠裳他日思丹  
壑車馬平明發翠微歸路竹蘿偏拂憶出山雲氣故

隨衣杳然一笑憐踪跡自不投簪願孰違

鉛山石井

吁嗟此巖太奇古雲牙石乳相拄撐碧泉中洞晝亦  
黯青草倒垂冬尚生即今入海信誰遏祗惟出山常  
底清掇促桑柘會欲落倚此可濯慙我纓

鉛山陸趨宿南巖寺

北風越南山木稀關西宦子常念歸遠烟漠漠谷日  
暝前路迴迴夕燒微村春水旋疾徐應難鴈夜驚高  
下飛鐘鳴騎合巖寺近松火竹深開石扉

自新喻馬赴新淦方等寺晚飯

趨途暝雨已忽霽入寺晚飯烏將栖仲夏稻苗特梟

梟黃昏松桂何淒淒流年遠村換物色曠野青天悲  
鼓鼙戔戔百丈屹在眼策馬欲攀交虎蹄

百丈山有范棹山房

### 快閣登眺

江上冥冥風浪生閣中清眺會儒英野舟冒險只自  
度汀鳥避人時一鳴四海登臨吾白髮萬山迴合此  
孤城劇談轉切憂時念日暮浮雲况北征

### 麻姑山

冒險探深雲霧收麻姑山水冠南州潭深自激風雷  
黑谷迥誰群鹿豕游仙女石壇殘欲沒魯公碑版斷  
仍留可憐踪跡俱塵土兩瀑雲霄萬古流

### 題玄壇觀

江行晝靜便清暑水口山竒鎖吉安豈爲天生饒恠  
石遂令人擬築玄壇潭渦地轉常年黑樓閣岨懸五  
月寒風牖把杯聊暫倚海蒸雲起故須看

### 將至安仁

安仁古岸又河濱細柳濃烟密弄春花發北山翻盜  
賊眼昏南國且風塵盤渦浴鷺綠誰喜下瀨雙帆他  
自親破浪會看風萬里采薇應許畢閑身

### 看廬嶽

春時看嶽落星洲夏來看嶽復江州獨行稔負烟霞  
伴久住非貪麋鹿遊石室丹書吾異世錦屏雙劍晚  
遮樓登尋擬縱涼天目一葉飄飄江漢流

錦屏雙劍並峰名

楚望望襄中形勢

楚望峰頭望楚雲遙憐紫蓋紫陽君廬荒不斷盤龍  
氣碑滅猶存墮淚文地轉江淮浮遠戍木同巴峽斬  
雄軍里名冠蓋非吾事願訪鹿門麋鹿群

繁臺雨望和田生

感事逢時恨不稀水城寒食半花飛青郊白馬朝誰  
並細雨輕帆晚自歸何計上賓留鳳馭是時有孝貞  
太太后之喪  
無書北狩挽龍旂是時帝  
在宣府層臺獨上休翹首牢落江

州易濕衣

大梁城東南角樓

城樓占角分孤峻野色生烟合杳冥華夏亦為元社

稷古丘曾是宋朝廷直看紫極雲霾壯背觸黃河風  
浪腥日暮馮軒益愁思夷門今有少微星

晚過禹廟之臺

暮行群過禹王宮瑟瑟松林靜入風步競石梯秋獨  
健眼收沙海月還空聲名北上青驄客潦倒中原白  
髮翁杯酒重傷分手地古今踪跡本飛鴻

題黃公東左草堂

草色通門柳覆牆繞堂新雨足時芳晴郊客過沾猶  
濕春晝人閒覺更長拚引滿杯聽鳥嘆願留餘醞待  
花香休誇水際兼山際且醉松傍與竹傍

少林寺

林深谷暝客子入鐘鳴葉落秋山空烟雲細泉石澗  
底巒岫亂積松牕中唐碑漢碣蘚字剝虎啼猿嘯蘿  
燈紅獨坐悠悠息塵想少室影下月出東

望少林次韻

三十六峰雲氣通何峰寺西何者東林岩霜橫遠亦  
靜烟嵐日破重還空千山盡歷暮轉碧一樹不落秋  
能紅漸聞鐘聲出杳靄得路誰憐馬僕功

宿少林次韻

萬山微暝一鐘鳴古寺深秋倦客情僧本折蘆菴面  
壁人非騎鶴故吹笙寒催亂木風交響白動虛巖月  
自生慚愧勞勞不成寐丁丁臥聽早樵聲

暑日過雪臺子園庄

蟬聲樹色村村似一坐君亭日每斜靜裏柴門惟燕  
雀老來樽酒是桑麻年豐鄰里家家麥時至園林處  
處花苦熱只今憂赤土幾時龍起沛天涯

寺前秋泛限韻

返照孤城落木中畫船秋水坐來空影涵樓閣人齊  
過香引蒹葭路轉通雲氣襲樽溫復冷笛聲將柂北  
還東不須預問天邊月波上餘霞閃閃紅

同賦

曹嘉

湖上晴遊卽鏡中輕烟淡靄靜浮空岼迴舟自蒹  
葭入塔迥雲從殿閣通驚吹魚龍時出沒傍筵鷗

鷺晚西東迴繞更泛桃花水不辨秋林返照紅

立夏後晴遊我庄

郊出不知昨夜雨日高烟翠濕空林楊花欲盡村村  
雪梅子先傳樹樹金笑向市城開俗眼喜從園野見  
吾心繞亭奚啻千千竹夏日黃鸝更好音

徐將軍園亭

將軍別墅今停馬五月塘池蓮半紅舉眼江山惟赤  
日快人樓閣自涼風穿林竹翠沾衣滿布席葵香撲  
酒空平世主人虛抱武醉來誇挽六鈞弓

清明下糧廳題杏花

清明著處花爭發一樹庭前爾獨遲不爲炎天能結

實豈應官署許生枝桃蹊李徑雖多寵撲酒飛簾自  
一時已辦青錢貪酪酏合教紅蕾赴深期

柑至

丹橘黃柑世所珍年年隨貢走風塵內廷賜出人人  
羨近市收來顆顆勻翻訝久藏香不逸迥疑初摘蒂  
猶新金盤玉箸眞誰事寂寞文園自病身

菊

世上虛名白髮悲霜前幽壑迥春姿閑巡獨樹其憐  
汝醉折寒花欲贈誰官舍野堂渾一色冷風淒露漫  
相欺高年漸覺馨香遠萬里徒傷酒一卮

牡丹盛開羣友來看

吾家何處牡丹園楊子岡西古宋原忽有芳菲妍  
閣豈欺車馬駐江村憐香實怕青蘿掩在野  
虛秋蔓草繁碧草春風筵席罷何人道有國花存

冬至菊

至日貪看九日花  
美霜吞雪轉宜誇  
思將正色留天地  
肯使陰陽管歲華  
寒帶已包重放萼  
暖根應抱更生芽  
書雲莫誤禎祥奏  
斗酒東籬自有家

王左史宅賞冬菊

菊筵元向春前約  
共憶霜黃薄  
牡丹冬日此逢香  
欲暖夜堂偏醉色  
終寒閑居四海嗟  
吾賞晚歲三杯稱  
爾官疎影獨枝看  
轉劇好添華燭近高闌

乙亥春郊圃牡丹盛開聿予離茲倏爾四載  
實兄蒔藝成功約客往賞屬雨發詠焉

牡丹元種無多本  
別久叢分鬱映杯  
穠劇祗宜鴝鳥戲  
品增疑傍棗花開  
支離野圃群葩掩  
杳裊春庭細雨來  
高會主賓忻並徙  
衝泥車馬莫空回

人有送牡丹花至者與客同賦

大梁城郭萬人家  
大半朱門競此花  
不爲國姿寧用折  
翫傳賓手轉須嗟  
雙牽戲蝶臨書牖  
獨惹遊絲撲釣槎  
我亦有園新植此  
往來無倦出城車

牡丹賞歸東邊王二子

非因絕代專芳品  
豈復郊園守後時  
夜靜雨姿應更



劇野寒風葢莫頰吹空齋獨憶香仍滿晴日重尋路  
不遲肯擬飛觴留健筆願板駟馬護高枝

霖淫想郊園牡丹

園途雨濘花遙阻倚杖流雲灑北郊縱使彩烟偏國  
本豈逾清露足春梢卷心暗葢須時苦綠濕紅沾任  
俗拋傳道魏緋纍滿眼傍株今可結遊庖

郊園餞御史許君屬牡丹盛開

曠圃風郊爾獨開國香仙色敢辭猜若先桃李名應  
減縱隔城池客自來穠壓野欄張燕待餞臨官路挽  
總陪萬鬢千萼非容易忍遣臺霜近酒杯

看牡丹晚移席草堂再贈許君

晚坐移花酒並移几鐙牕月轉春姿倩真解纜爭侵  
夜意不憐香豈盡卮洶洶野風誼樹惱冥冥波浪去  
途疑亦知仙種貪行多醉聽鄰雞是別期

王左史宅賞牡丹

槐庭絃管稱春筵草圃繁華近暮天老爲名化板自  
放醉逢國色轉須憐娟娟影靜金尊裏冉冉香回玉  
笛前莫問平章舊時宅沉香亭已入荒烟

郊園牡丹復花客往

問主尋芳客故來百花開盡此花開淒涼野徑堪車  
馬爛熳天香只草萊穿葉自由蜂逐逐坐枝頻起燕  
迴迴楊花暮合風沙迥繞樹猶傾醉後杯

夏日盆荷階葵芬敷率爾成句

候及名叢每自芳物華清暑倍年光出波翠蓋枝枝  
靜入院丹心朵朵香向日豈期回俗眼折筒聊得洗  
詩腸不應種近榴花奪繞檻巡池淚數行

山行見梅

長至山行梅不遲攀條觸雨益垂垂雲暗野橋真獨  
見歲寒蜂蝶敢相欺時心已抱調羹實久色難銷傲  
雪姿愁在不緣鄉國亂白頭心事本同期

谷園二月梅集

江南梅花苦繁劇江北有梅花不肥春枝已矜雪後  
媚玉蕊卽妨風處稀金尊綺席不時賞快馬輕車堪

夜歸遙憶暗香月色動莫令遽掩東園扉

梅下限韻作

聞說仙芳每避凡託根長傍竹松巖那期野圃深隨  
酒可柰風花細撲衫斜日席移春欲透步叢香起雪  
猶銜歲寒朋舊今何處徙倚裁書手自緘

賞歸憶谷園梅

臨梅真惜先開蕊後蕊吾歸應更繁藉草無愁細細  
落有蜂只恐垂垂翻折會爛熳春携袖醉記扶疎月  
坐園已覺時心向桃李肯緣孤潔重廻軒

詠蟬

秋來雨多涼氣深寂寞寒蟬愁暮陰幸值開晴方聽

汝不緣清切轉關心故逾叢棘沾沾入却傍高槐細  
細吟曹賦僅能推感激駱詩徒亦擬同音

和清明後見燕

坐棟穿簾爾亦驚紛紛紅紫徧春城群衝海霧寒應  
阻對語堂花暖却明去住溪山他日夢主賓天地世  
人情卽論遲暮心難已切恐差池恨轉生

秋日觀白雲生率爾遣興

天際遊雲白裊裊渭陽羈客淚縱橫搏風弄雨有誰  
見木落秋高堪自行變幻樓臺番有態突然龍豹轉  
須驚老夫趁此欲登望恠爾輕遮翡翠城

和李大隔牆見予家海棠次其韻

種汝深愁樹不長數年今遽出吾牆臨衢幸不矜全  
色隔院應難掩暗香敢向紛紛爭俗眼私憐裊裊壓  
時粧臙脂強半喧蜂少倘過同傾花下觴

同雙溪方伯詠石几

栗栗天生白石几癯癯日伴白頭翁清尊淹留不斷  
客灌木陰森常自風看處遽浮金玉色移來深仗鬼  
神功茲須小物君堪醉取致嵩山萬翠中

石几再賦

確然片石我之几置之堂邊樓在東葱芊海棠上重  
綠絢爛盆榴旁小紅性含烟霞不減色光敵玉金常  
吐虹老夫有時醉凭汝扣之高歌天暮風

詠陶臺使蘭陽公解五色葵花

炎天小縣葵花好五色空庭日日香開正得時先讓  
赤見宜尊禮莫欺黃交枝接葉誰爲衆異並同心自  
向陽此物煩君獻天子上林閒地草蒼茫

詠餅中柏限韻

愛汝側葉寒能青插之銅餅依石屏晝屯雲氣果不  
俗夜飛光芒疑有靈森聳似學鸞鳳翼屈曲已具虬  
龍形更欲移栽萬仞嶺待與松桂凌冥冥

爲崔後渠詠筭竹亭

崔家孤亭萬竹裏繞牕栗栗青琅玕結實當春鳳不  
餒託根有地龍且蟠霜風飄蕭起空谷美人翠袖生  
暮寒彼淇盈盈一水隔望而不見徒自嘆

空同集卷第三十

空同集卷第三十一

北郡李夢陽撰

七言律詩七十首

郊齋逢人日有懷邊何二子

今日今年風日動苑邊  
新柳弱垂垂齋居寂寞難乘  
興獨立蒼茫有所思  
谷暖遷鶯番太早雲長旅鴈故  
多遲鳳池仙客容臺彥  
兩處傷春爾為誰

夏日過序公

炎天樓殿蔭空扉  
未晝雲林孤鳥飛  
病起出門風色異  
獨來清坐老僧依  
撲簾花片疑紅雪  
解帶藤蘿映紫衣  
萬事回頭誰得問  
但逢心賞莫教違

過馬陟次毛庶子韻

冉冉輕雷止復行鳳池清夏半陰晴漸看西日籠花  
氣誰放南風作雨聲融入塹沙將拂燕密侵宮柳益  
霑鶯晚來一赴薇郎約匹馬衝泥遠興生

章氏芳園餞朱應登

細雨林塘花可憐况有美酒斗十千見日玄蟬元嘒  
嘒含風綠篠自娟娟朝廷豈料更新主塵世難逢感  
昔年縱倒芳尊不成醉別懷憂緒兩凄然

訪何職方新居二首

去年聞汝在郴州對酒時常使我憂無客解題鸚鵡  
賦同誰出入鳳凰樓蕭湘夢澤今虛遠易水燕山不

斷遊舊雨休嗟車馬伴卜鄰先近李膺舟

二

街北小堂卜築深離離竹檻稱幽吟不爭鵝鴨嫌鄰  
舍旋置琴尊見客心呼雨乳鳩仍暫止定巢新燕故  
相尋曾軒更許消清暑露頂同依嘉樹林

送殷進士病免歸

魯川西流石齒齒川上茅堂千樹林春行不費風雪  
詠日暮聊爲梁父吟南瞻岱嶽雲峰峻東訪滄溟烟  
霧深司馬豈緣封禪病任公終有羨鰲心

別徐子禎卿得江字

我愛南州徐孺子明珠美璧世無雙新從北極看南

極便自吳江下楚江日落鷓鴣啼廟口水清斑竹映  
船窓櫺衡王粲俱黃土千載何人復此邦

追舊寄徐子

憶昔逢君雪滿途遙憐爲客向江湖看碑定憶羊開  
府作賦先投楚大夫日黑魚龍逐夢澤草青麋鹿上  
姑蘇空回玉軫思流水不得驂驩見過都

過李氏荷亭會何子

三伏尋花到習池幽懷真與故人期出波菌萑晴相  
並度檻流螢晚故遲他日宴游能此地向來開落果  
由誰亦知塵世難逢醉且把芳筒當酒卮

酬儲太僕見贈

抱病逢春無那春雪晴雲氣相鮮新經旬不出隘官  
長束帶何由朝大賓豈謂烟霄無勁翮欲從江海訪  
遺珍商歌日暮悲風起索處應慙扣角人

答太僕儲公見贈

淮海先生海鶴姿年來何事髮成絲安危異日須公  
等文雅于今是我師縱有孫陽難遇馬誰言安石但  
能棊柱枝偃蹇空山裏旅病逢春故國思

病間聞何舍人夢故山有感

我逢新歲兼新病君夢故園登故山木杪啼猿行問  
訊枕邊流水莫潺湲深春古廟同誰往絕壁孤雲只  
自攀悵恨無家傍林谷定應何處卜鄉關

雨中憶張大夫園亭

我愛張家好亭子滿園林竹夏淒淒  
露花細雨飄牕裏映日輕雷過檻西  
已拚習池多樂事况逢光祿有新題  
朝回會與金蘭約走馬携壺到碧蹊

解官親友携酒來看

巖城擊鼓天欲曙風起平林纖月長  
故人開尊且復飲客子狂歌殊未央  
臥病一春違報主啼鶯千里伴還鄉  
他時若訪漁樵地洛水秦山各淼茫

送王照磨省覲

浮沙晶晶楚王臺苦竹泠泠帝子哀  
臘月江行鶯語合早春湘北杏花開  
貪趨綵服聊輕舫苦憶金門罷

舉杯入幕邳超難許並題橋司馬直須廻

寄徐子

徐子南游涉洞庭楚江風浪眼冥冥  
錫來振玉朝天子忽漫傳書與客星  
訪戴難移剡溪棹問竒曾過子雲亭  
烟沙水國催春發楊柳愁邊却盡青

寄徐編修

題詩傳語玉堂賓想像鳴鞭散紫宸  
玩弄門前金驪裏宛如天上石麒麟  
徒誇中論流人世實有新詩泣鬼神  
密勿願先諧大軸漁樵久已屬閑身

九日寄何舍人仲默

九日無朋花自開登樓獨酌當登臺  
孤城落木天邊



下萬里浮雲江上來但遣清尊常不負從教白髮暗  
相催梁南楚北無消息塞鴈風高首重回

冬霽宴丘翁林亭

竹亭高宴雪霜殘柏塢移尊月色寬馴鶴自知迎客  
舞絕琴今擬向君彈醉來箕踞仍呼酒老去留賓不  
着冠解道冥鴻能萬里肯輸烏鵲一枝安

立春遇雪東孫君二首

乾坤莽莽俱爲客世路悠悠各愴神海內弟兄稀見  
回天涯霜雪又逢春馴階鳥啄猶呼侶破浪龍吟不  
避人幾欲開尊向梅柳白眉青眼爲誰顰

二

留滯周南春復春路迷何處問三秦竟非晉土堪垂  
淚不爲儒冠豈誤身偷臘檻梅暄媚眼美寒山篠晚  
傷神虛傳夜雪能乘興不見山陰鼓柁人

送張訓導棄官爲母

蜀道干戈暮角悲水行溪壑轉春姿辭劉徐庶心先  
苦廻馭王陽願不遲正月巴山猶碧樹孤舟峽口已  
黃鸝分吞割據千年事愁見岷峨有戰旗

早春酬內弟璣

騎馬衝泥到竹扉孤城雪日美暉暉將飛鴻鴈春相  
聚得食魚鰕暖自肥賈誼上書畚遠謫桓榮稽古已  
多違亦知匡濟諸君事勿羨東臯早拂衣

早春郊園贈別

野陰蒼蒼春不分春堂黯黯惜離群  
柳條欲折不應手林花即開誰寄君  
鴈飛帆檣畏觸雪日蒸山澤恣成雲  
杳然携別東園晚綺席玉杯相對曛

生日答李濂秀才

臘前此日梅花劇盞送初筵竹葉新  
千里共爲青眼客百年余是白頭人  
清霜麗葉情休妬醉舞狂歌意總真  
忽憶退朝傳粥食遲廻吟望一沾巾

過內弟宅感詠

天漢橋東水竹居明公卜築迥幽虛  
軍城日月梁園裏咸里山河宋殿餘  
諸弟冬林供雪筍重闈日饌躍

江魚水清牢落千秋事手澤空嗟萬卷書

積雨鄭左二子晚宴

秋深衆草皆垂實雨久高牆半濕痕  
百歲榮枯同逆旅二儀風霧自黃昏  
烏鴉樹滑時窺屋泥濘人稀早閉門  
便合披簑邀鄭左任從燒燭倒青尊

送王生還里

華池避俗屯螢火往日談經近鹿場  
萬里飄零余作客諸生親炙爾升堂  
昨來見面生春色歲暮還家帶雪霜  
懷土力微難並進強吟臨路獨淒涼

逢泰公門徒因寄

垂翅昨年辭帝都散花今日見門徒  
乘杯老去還

能否擊鉢狂夫未信無暫止乳鶯元逐燕得時橫隼  
莫驚烏清沙密竹追隨地腸斷飛虹月色孤

寄華韶州

十年不寄一封書索處常思萬里餘謫宦賈生元獨  
遠抗言劉向果誰如新符海外勞分虎舊德朝中想  
佩魚退食昔移青鎖步論文偏過省郎廬

贈鄭庚

文物江東數款都里傳貞白似君無門前不種釣衣  
草堂上常巢返哺烏爲客老年今道路告歸春日復  
江湖沙溪酒熟兒孫勸拄杖徐行步綠蒲

北行家兄與內弟玉實問行道緩急卽如雷

霽之下魂魄並禿矧又如饑渴

吾兄淚眼若懸河內弟疋羸苦更多昏黑同行草莽  
裏明星獨傍邑城過荒山葛藟繁初蔓空屋荆花滿  
故柯臨路斷腸俱哽咽望歸携手向烟蘿

寄答內弟璣九日繫臺見憶

悵別登臺逢九日雲閑水落望長安風急愁聞木葉  
下秋清淚滿菊花團臨危始識交親重處世空嗟行  
路難一勺塗鱗終放擲九天歸翼待扶搏

喬太常宅夜別

竹梧池館夜偏寒促席行杯漏未闌燕地雪霜連海  
嶠漢家鐘鼓動長安吟猿見月移孤樹宿鴈驚人起

別灘二十逢君同躍馬十年回首笑彈冠

別都主事奔喪歸

瑤池不聽鳳凰簫銀漢愁看烏鵲橋海內君親情併  
苦天涯書劍路俱遙陰陰朔塞鳴秋葉滾滾寒江急  
暮潮君去會應朝北斗余歸終擬伴漁樵

夜別王檢討

露白秋城角夜哀朔雲邊月滿燕臺僊人閣在銀河  
上羸女簫從碧落來江葉自隨山葉舞燭花偏傍菊  
花開風塵荏苒年華異莫恠臨岐數酒杯

宿江氏

羣山累日山中宿玉港回鑿見爾家世遠樓臺喬木

裏族繁門巷一溪斜深冬野竹猶風葉細雨簷梅已  
凍花惆悵哲人今異代玉峰回首碧參差

穀日酬鄭屠二省使携酒見訪

殊方穀日軒齊過返照虛窓暖自通短髮江湖今會  
少早春閭闔舊遊同越南閩北風烟際岫柳園梅霽  
雪中時世艱難須共濟此生杯酒任西東

滕閣訪屠子感贈

章門屢出綠尋子滕閣留權晚不回霜落磧洲江漸  
細日斜鄉國鴈還來紅巾未信干戈息白髮能禁日  
月催千古棟雲簾亦捲西山秋色爲誰開

雨秋友人見過有贈

時芳已後重陽雨搖落深驚昨夜風鴉雀小亭雲竹  
靜蒹葭寒水瀨江東詩名海內逢高適人物吳中有  
阿蒙數過淹留非縱酒異鄉搔首各飛蓬

較射畢青雲峰示諸生

射畢孤峰聊獨上繞峰冬樹發孤雲天開遠岫遲遲  
見木落寒江細細分禮樂衣冠先此地綱常簪組愧  
斯文亨衢接武尋常事孝子忠臣百世芬

發南浦贈人

大寒冰雨何紛紛曉行日臨江吐雲得風舸舸故相  
逐異港鳧鷖還自群浦南蓼洲春欲動岍西雪山晴  
未分與君接席向杳靄吟坐傳杯侵暮曛

江上逢羅通政

秋乘綵鷁修春服曉解牙章拜五雲三斗超遷門下  
省遲迴瞻慈聖明君烈風江生年垂暮把酒旗亭袂  
忍分畫錦故山家慶集堂開鶴髮野梅芬

清江彭君幽居

新霽隔城江色來僻居春暮徑花開當門銀杏有千  
歲穿葉黃鸝能百迴南徼雲沙曾杖鉞北山薇蕨且  
銜杯波深五月鮒魚至獨釣吟行鷗不猜

題嚴編修東堂新成

城居市遠同村僻堂構春成屬燕忙星檻夜凭斜北  
斗日愴朝坐影扶桑問奇頗類楊雄宅醒酒真輕李

相庄喜即繫舟臨秀浦恨猶楮笏背鈴岡

泰和南行羅通政舟送

開船日午君俄至逆水開尊得並船貪數岬花杯不  
記已衝江雨纜猶牽雲山楚越相逢地劍珮京華始  
識年感昔願仍還省閣顧今俱已靜風烟

寄孟御史謫桂林教授

長沙賈誼君仍遠南涉三湘復九疑虎豹深山聊澤  
霧蛟龍得雨固須時行藏學閣蒼梧夕鼓角夷城白  
髮悲悵望適荆心豈忝飄零極海翅非垂

南康至日送韓訓導赴湖州推官

黯黯寒冬湖水頭遷官別我向湖州吾道百年逢小

至雪江千里屬安流飛騰刑獄官非忝簡拔朝廷意  
實優見說東南力已竭哀矜此外爾何求

仰頭遇友夜泊感贈

舟夜雙燈倚碧灘江雲藹藹覆春湍中年獨覺滄洲  
穩直道誰非行路難坐裏旌旗環匯澤花時金鼓發  
長安時危故國思芳草懶慢先君得桂冠

龍沙餞胡子還城

春卿送弟返扁舟子孟還城設餞遊樹蔭金沙開錦  
席花吟楚鳥勸吟甌平風岬壓鼉鼉窟倒日江明鶴  
雀樓古木徐亭偏寂寞醉希凝望水東流

吳育字春卿胡健字

子孟俱宋顯人也

別太華君

自我徘徊襄漢間  
秋風倏忽吹襄山  
鵝鷓竟日亂洲渚  
鴻鴈孤鳴愁草菅  
秦路傷心紫芝坼  
楚巖回首桂花斑  
層城月出歌鐘滿  
誰念楊雄獨閉關

贈何君遷太僕少卿

省客新乘卿士車  
尋盟特別水雲居  
還朝賈誼元前席  
去國虞生合著書  
養顧休輕糞野馬  
祖行親釣汴河魚  
虛疑厄閨春情晚  
驛路群花宛宛舒

是年遇閨何有官似

黃楊厄閨年之句

夏日赴監察許君之宴同張監察

霜府池亭夏亦寒  
捲簾河嶽火雲殘  
筵開水動琅玕

簾酒半瓜行白玉  
盤鷺石尋花時徑往  
躍魚投餌晚留懽  
孰教消暑陪驄馬  
自分清朝老釣竿

東趙訓導二首趙安邊營將家子讀易人也

安邊坐堡近沙場  
白日胡沙慘慘黃  
穀弩汝兄增品秩  
操觚吾子獨文章  
雙龍一命新朝闕  
三鱣諸生已報堂  
授易未容輕管輅  
揲著端合契羲皇

二

田園共傍古蕭關  
舞鳳城臨斬斷山  
連茹實期王貢上  
轉蓬俄聚洛河間  
風塵落葉頻驚眼  
首宿深杯且破顏  
宋岳魏臺俱不沒  
及秋騎馬肯同攀

酬和許監察九日對菊之作

風簷落葉隨行步坐近寒花引濁醪久客重陽還細  
雨故山他日幾登高羈心汴館頻牽蕊醉眼江門舊  
送濤願戢霜威長晚色賸抽英響續遺騷

酬和李子夏日遊天王寺見贈

玉皇諸閣鎖空寥夙昔攀緣客互招細細高雲通佛  
拱冥冥河氣度僧寮柏潭路古搖晴荔竹洞城陰掩  
熱椒聞爾昨遊吾自阻碧紗誰並照烟霄

喜鄭生至自京師傳崔陸徐何諸人消息

汝從京國傳消息屈指離吾幾換年當日應劉俱老  
健竭來燕趙自風烟陽回草木清霜後歲暮賓朋醉  
眼前別業舊臺携手在野鴻沙鳥日翩翩

繫臺冬日喜鄭生歸集

予從汝去稀過此即使經過亦惘然乍聚酒杯須落  
日久晴臘月有和烟向陽小草纖纖出傍水浮雲宛  
宛連野立舉天昏色起好橫酣眼望三川

正月二日臺卿李公監察毛公袁公枉駕而

顧毛歸有作輒次其韻二首

君子三陽元並進朝廷四海况爲家冠彈真氏非吾  
願星聚荀門敢自誇走洗玉盤深映竹驕嘶驄馬半  
銜花綠尊未倒歸須夜臺柏無言已宿鴉

二

吾生五九笑吾涯短圃低牆卽是家酒熟喜當賓客



過詩成慚使世人誇日臨河岳雲俱色春入樓臺樹  
自花轉盼不堪天地異得栖無小後啼鴉

和毛監察秋登明遠樓之作

院鎖簾垂白日幽爲誰乘興獨登樓地平嵩嶽牕中  
出天倒黃河檻外流坐對鑪烟雲並起醉搖霜筆樹  
還秋可憐大厦須梁棟未展那知匠氏憂

雪後困酒和王左史

旭日上雪簷溜懸廣文先生猶醉眠牀頭綠樽已交  
卧解醒復倒囊中錢開門泥濘午活活有客騎馬來  
翩翩強起梳頭煨芋栗暖杯寒光仍四筵

柬邊子變前韻

繁丘草青春可憐欲往恰置春風顛應門童子不通  
客空同先生閑自眠柳長故媚金色縷梅落盡鋪白  
玉錢安得卽遊共爾閣蒲引香醪花簇筵

仲春繁臺飲餞醉歸口占呈陳邊二使君

晝日起風花欲開過鴻未盡巢燕來看山已嚴陽翟  
駕群餞復聚梁王臺苦云離合每不易便醉顛倒何  
嫌猜背閣碧樹故裊裊當年嘆鳥時徘徊不見當年  
良岳盛今日纍纍青草堆

春日過遂平將軍第同李尹

十年不到將軍第一日重來令尹偕春色不改延客  
閣芳樹盡覆彈琴齋尋香檻蝶娟娟逐競暖池魚宛

宛皆晚步鹿葱驚欲放續遊無吝玉爲牌

限韻贈黃子

禁垣春日紫烟重子昔爲雲我作龍有酒每邀東省  
月退朝曾對掖門松十年放逐同梁苑中夜悲歌泣  
孝宗老體幸強黃犢健柳吟花醉莫辭從

贈王推官相國之子

青年藉甚王推府得郡吞江復據湖楚楚驂騮當道  
路英英秋月坐冰壺三槐舊業承非忝駟馬高門望  
與俱相國醴筵今更數在邦無憶鯉庭趨

高門堤陳氏別業夏集

門堤平野突崔嵬幔屋深林石磴迴盛世行藏吾學

圃異鄉天地此登臺馮軒五月涼風入移席松城返  
照來急管暮催杯更進醉翁非爲酒徘徊

七言律詩七十一首

鼎來急管暮對林更非朝合  
圃與濼天此此登臺燕神正  
風人

空同集卷第三十二

北郡李夢陽撰

七言律詩七十三首

夏日繁臺院閣贈孫兵部兼懷大復子

獨馬孤城送客迴  
亂蟬高柳出銜杯  
晴天河嶽今開閣  
戰地金元晚上臺  
才自籌邊期獻納  
義猶傾蓋愧徘徊  
何休門客如君幾  
北望天風萬里來

送楊子還里

曾修書院盱江側  
君去懷予試一游  
當日水山應更好  
別來松桂幾經秋  
謝詩早向麻源覓  
顏帖時從廟碣收  
此外何求惟有醉  
背山合起望泉樓

送張工副

爲官秦邸君西去因憶簡王相遇時池出異蓮要作賦館開修竹坐傳卮龍旂寂寞還雲氣鶴馭飄翻祗夢思寄問白頭強相國醴筵吟筆似前隨

夏行人齋 太皇太后哀詔過此以病淹于

郊館僕爲作詩

野館春雲劇暮陰病臣哀詔此經臨君親敢謂三江遠涕淚懸知萬國心風砌獨花堪憤悶雨簷雙燕足清吟遐陬每引前星望賴爾兼程布此音

城南新業期王子不至

新園本欲誇王史竟日城南期不來即使屋荒還五

柳忍令春暮只孤臺對人芳藥翻翻出近日浮雲細細開口囑甕頭封綠蟻明朝倘許盡餘杯

再期王左史不至

地散官拘此亦希草堂重約忍偏違元期芍藥枝枝賞忽復葵榴片片飛諸客酒停時望旆孤城日落尚留扉人生樂事真能幾野立蒼雲又白衣

繫臺次秦氏韻

一秋今到十賢堂萬事傷心嘆渺茫草綠梁臺猶殿閣花殘宋苑只宮牆天南星宿元朝斗岬北靈芝本向陽未老息棲終傍此預愁人擬卧龍岡

送田生省母兄如晉

匹馬遙衝落日微萬山何處是庭闈途紆沁上花應  
發春盡并門雪尚飛臨柏乍開荆樹閣傍萱重耆老  
萊衣馮高試望風雲氣大駕新從此路歸

寄題孫氏茗溪草堂孫是時始有婚事

茗溪之傍何者丘幾時自卜林塘幽已聞寬田足放  
鶴曾否餘錢兼買舟狎人鷓鴣元成偶近檻芙蓉故  
莖頭塵世要留風格在東南聊作醉鄉遊

送毛監察還朝是時皇帝狩于楊河

楚生臨水送將歸黎子當筵賦式微天下汝爲真御  
史百年吾是舊漁磯沙寒白日蓬科轉風起黃河木  
葉稀此去有書應歷上太平天子本垂衣

送李行人還朝

南使樓船滂北迴西巡車駕歛東來星辰再逐千官  
入闔闔重臨萬國開寒盡旌旗猶拂雪春新環珮且  
沾梅虞絃定有薰風奏佇望陽和徧九咳

逢吉生汴上

汴上相逢俱白頭秦中却憶少時游烟花樓閣春風  
日錦繡山河百二州未論聽鶯穿細柳實因走馬出  
長楸金尊邂逅今宵月明發仍懸兩地愁

郊園夏集別李沔陽

東門慣種邵平瓜彭澤新成處士家晨起忽嘶花外  
馬君來同泛柳邊槎向人齒齒元隨檻哺子鷓鴣各

占沙明發路岐愁把袂秋風江漢有歸艎

李沔陽飲後田鄭二子復集於斯庄望見陂  
水驟落衆頗訝之

五馬柴門夜已迴二豪尊酒日重開林乾鳥雀群應  
喜水落鳧鷖半不來疎懶合收任氏釣嘯歌真慕阮  
公臺亦知河朔非凡輩逃暑無辭掌上杯

早春酬張容見贈

周王祈雪罷燈遊楚客思鄉迥獨愁不雨風雲常媚  
媚入春江漢轉悠悠穠花錦石添霜髮橫笛短簫悲  
絲舟岐路斷腸俱不減予今搔首爲西州

田居嘲答李沔陽

郊園自枉君侯車日日觸熱尋吾廬柳長風多祗欲  
睡瓜成雨來仍用鋤遠田陰陰立黃鵠新波雙雙跳  
白魚即今石水泥五斗豈無五馬愁騎驢

別熊御史出塞

今夕何夕春風微把酒長歌春興違嬌鶯乳燕黯不  
語嫩蕊柔條空自稀都門車騎明朝發關下行人三  
月歸北望湖沙青草盡祁連山外斷鴻飛

春望柬何舍人

城南春望春可憐小苑高樓生暖烟幾家芳草斷腸  
處無數落花吹笛邊川原萋萋入暮雨車馬駸駸矜  
少年欲向仙郎誇白雪陽春久已絕人傳

贈張舍

孔門諸子接升堂杜甫交遊盡老蒼  
萬里南歸望秋月一尊對別逢春陽  
生兒當如李亞子有父况作尚書郎  
肅肅雲鴻天路求樊籬斥鷃莫空翔

題環上人精舍

前月到寺萱草香今月到寺葡萄長  
潢潦盈盈旭日動樓閣灑灑高雲涼  
出門每恨市城隔浮世空嗟車馬忙  
圓月清秋期重訪即扳留卧贊公房

送膠州學職

廣文先生騎馬來膠東膠西花欲開  
鱸堂蕭蕭帶暮雨芹池殷殷鳴春雷  
太山西望真堪仰沫泗東流竟

不廻寥落廟宮多古樹屬君收取棟梁材

送人還洛

十月朝天春始廻洛邦真喜使君來  
柳條臨路若相待梅花滿堂渾欲開  
雪晴幾過回鑿浦日落時登承露臺  
九重他日求賢詔不道今無賈傅才

秋日飲王子之第

岌堯玉殿逐秋開迤邐金風觸酒廻  
賓客百年梁氏苑河山雙鬢李仙杯  
露凋梧葉浮龍井月引簫聲出鳳臺  
莫羨同舟流逆調須知雅樂是真才

見素林公以詠懷六章見寄觸事敘歌輒成  
篇什數亦如之末首專贈林公

南伐經年駕北還麗雲遲日藹燕關花明合殿春開  
扇柳引千官曉復班新有越裳供雪雉是年始貢更  
者三國聞飛將奪天山務農銷甲從今事飽飯行歌興不慳

二

香含鷄舌曾爲吏日侍龍顏朝退時春色故搖三殿  
柳曉風偏放萬年枝鏘鏘劍佩鸞行亂裊裊旌旗鳳  
輦移迂謬一麾今廿載半生心事白頭知

三

青天萬仞削芙蓉憶踏匡廬第一峰哀壑暮雲埋虎  
豹大江春浪變魚龍天池御筆親指碣石室山僧獨  
扣鐘絲筆昔曾霄漢上舊題應被紫苔封

四

投簪萬里旋舟日暫憇覃園傍峴西潭起漢娥留佩  
賦井傳王粲倚樓題林猿浦鴈心常往楚雨襄雲路  
不迷縮項一槎真欲釣幾時重訪鹿門棲

五

買園近闢三三徑啓戶遙當六六峰敢向大河誇樂  
土且將名嶽寄行蹤風林躍馬狐狸走草澤回舟鴈  
鷺衝昨復潁陽開別業傍軒新徙具茨松

六

西伐親將龍虎軍南歸甘卽鷺鷗群謝安實費登山  
屐司馬虛傳諭蜀文釣罷蘭溪宵上月吟成壺嶺晝



生雲何時勉爲蒼生起悵望東南五色氛

小至後寄甥嘉推官

隔縣經秋汝面難好音爲郡舅心寬三河鴈起沙先  
暮四海陽回雪尚寒萊竹召棠他日事石渠金馬向  
來官公餘定有尋幽興莫惜新篇寄我看

河上茅齋成呈家兄

愚弟罷官兄獨喜卜築茅齋傍竹林開牕忽見萬里  
色背水常留十畝陰春來燕子休相賀日暮幽人且  
自吟庭下會栽棠棣樹牀頭新製有虞琴

留別李田二秀才

五年梁苑栖遲穩千里南州忽此行海內尚還憂盜

賊老夫何用拜簪纓音書陸續憑誰寄盞酒留連見  
我情惆悵暮天雲不盡秋風相憶豫章城

贈鄭羽士

惟爾零丁老鍊師藏珍破屋髮成絲坐看丹竈宵忘  
寢行折園葵午療饑久雨水淹松樹死塌牆人過廟  
門疑空傳薦福千金帖今世誰尋少保碑

送蘇文學往主三賢書院

邦侯敦禮聘才賢梁客乘秋詣汝川堂上久懸徐程  
榻門前俄報孝廉船雲山紫邏霜應峻風穴青松晚  
更妍獨上高丘試回首紫陽白鹿自江烟

鄭生聞予種樹有成便冒雪携酒來看鄭時

有江東之行

鄭緊騎驢雪故來無功行樹及春栽沾濡立愛新松  
色冷凍回驚早杏開密片深當紅蕾集寒聲虛帶翠  
蕤廻思君策笠滄江上酒罷番愁去舸催

王績字  
無功

送蔡子赴省

君從歷下游三輔暫就薇花避柏烏關內久懸馮異  
望河西早上伏羗圖茶官詭謫時侵馬餉吏奔趨日  
備胡生養願今開氣象山河日二本皇都

鐘樓重別熊子

野寺荒臺餞客游江湖城郭暫消憂危簷獨起翩翩  
燕細浦雙行宛宛鷗人世舉杯俱勝跡風林長夏有

清秋情來不用重翹首西北浮雲是滄州

閻曹二子發京姪木與之同舟而下有詩紀  
之予亦和此篇

共水同舟伴謫居海天春色盡涵虛蠻方故啓流官  
路漢史終收痛哭書蜀徼山高常戴雪滇門池苦亦  
生魚上林花樹年年在前席行看入禁廬

甥嘉謫官過汴僦舍而居以時炎熱

萬里嚴程此一州問親娛舅爾須留遷人賓客休填  
戶僦屋炎蒸幸有樓穿檻筍高猶足采戲池魚美更  
何求館甥舊地花仍好得暇頻來看海榴

園庄餞蔡生還江東

來日麥苗歸麥黃炎郊携手暮蒼蒼別筵車馬吾先  
醉落日東南江自長檣燕岼花休促棹小堂新竹尚  
餘觴吳門汴市無千里應把并州作故鄉

寄贈司寇林公還山

徵書強逼上彤闈退食長吟望翠微漢室本緣三策  
重都門真見二疏歸朝廷司寇元持法天下蒼生遽  
拂衣趨陛履聲 皇念切夢魂能復五雲飛

謝南陵折贈牡丹十頭咸樓子重瓣

王花折送出朱門國色俄臨處土村堆積實增春照  
耀傳看直至日黃昏先掄上萼圍詩卷已拚清香費  
酒樽見說陳思才八斗洛陽具譜許同論

儀賓柳子以合權芍藥見贈予自不識此花

而柳云種時數年惟今歲雙朵時柳病方愈

賓卿贈藥驚竒異共帶分葩號合權入手自摩雙萼  
嘆逢人恐當一花看並頭虛漫誇蓮蕊單瓣還應壓  
牡丹汝抱絲疴今幸愈和中天遣助平安

夏日上方寺追念舊遊寄平陽王守前御史

伏天樓閣同遊地尊酒松林憶並携驄馬昨朝三極  
北虎符俄剖萬山西人間散合留高跡壁上風雲護  
舊題出守次公元入相汾川應與潁川齊

黃霸字次公

荅杭雙溪渡河見寄

藩公赴鎮東來日野老扶筇北望時會墨似聞拋印

綬壺漿真見逐旌旗豫州河嶽元中土漢法封疆是  
重司廿載別君今幸此柴門能倒故人卮

奉寄邃菴相公

徵書北闕朝朝下不見東山起謝安黃閣兩朝心自  
赤蒼生四海淚曾乾雲霄桃李猶門徑歲月絲綸只  
釣竿舟楫願公長好在風江日夜有波瀾

東庄冬日別謝行人

冬圃朋游菊半蕪風林互飲葉全鋪往來物理須霜  
露離合人情豈路途乾綠冷紅難避眼剩香餘馥故  
侵壺相逢莫漫憐修竹要識乾坤有碧梧

雙溪方伯夏初見過就飲石几留詩次韻

孤城春氣轉溫風石几閒門夏樹中遇客便移杯酒  
玩題詩今得故人同猶驚鳥動花紛落况值日斜樽  
不空晚暮蒼茫萬里色賴君長劔倚崆峒

同賦

曹嘉

舅家石几何玲瓏瑤色金姿花樹叢拂玩自成今  
日會扣歌真見古人風蒼烟野徑雙樽裏碧簟涼  
雲小閣東獨喜館甥重有處百年吟卧此心同

三司諸公久有蓮池之約會雨阻不赴乃移

兵司東圃而飲爲詩以謝

西城宿雨天虛阻東圃微晴人竟游地闊儘容雲氣  
入亭深能使樹香留尊前俊傑齊三府林下迂踈自

一丘勳業太平公等在故將高榻動南州

東庄再贈杭子兼呈其兄澤西年友

東郊日白無風沙羣飲送客遊琅琊到時定生韋澗  
草有時同醉歐亭花我今五十半潦倒君日高貴元  
才華過鄉爲問澤西子老吟何處饒烟霞

乙酉除夕荅鄭生兄弟見贈之作

除夕天涯見客心連枝游子各悲吟徒將鬢雪疑青  
鏡且把鄉梅託素琴海嶽催春潛美色冰霜爭歲迥  
成陰吾家甕綠浮浮嫩兄弟能來秉燭斟

東庄謝臬司諸公携酒見過

白日餘紅亂撲衣郊亭無事坐花飛何緣五柳嘶  
馬忽有羣公到竹扉過眼物華春自暮賞心朋輩老  
應稀亦知不是談玄宅倘許頻來各醉歸

上方寺會監司諸公

梁園四月斗炎蒸衆飲松堂爽色凝天上樂聲僧梵  
接掌中杯影塔雲層高情不使忙官奪野興常於勝  
地增西海漸生歸路月上方無藉散花燈

東庄藩司諸公見過

少年湖海老中原萬里誰期共一尊邂逅路岐須盡  
醉向來離合敢重論桑麻事業陶公徑鳥雀人情翟  
氏門懶散廢書瓜可種夜來時雨足吾園

于公廟會王帥以其防秋北行

新晴借廟張金鼓舊約鋪筵集縉紳氣早冷隨雲雨  
入地幽人與竹松隣時來拜命防秋將老去狂歌避  
世身醉別贈君雙玉劔持將西北掃風塵  
新秋宣威後堂會張鮑二帥晚過東圃作  
戟府臨秋氣自威林亭過雨日能輝但邀文士揮彤  
管不願將軍試鐵衣雲濕白花籬槿重風搖朱果石  
榴稀鸞弓欲看雙禽墮海闊天晴鴈不飛

酬聶監察淮上見寄

落木秋城動客哀急風胡鴈帶沙迴夷門合是投簪  
地淮海須憑攬轡才勲業壯心頻覽鏡暮雲詩句幾  
登臺太微實與群星異已有光芒接上台

九日南陵送橙菊

朱門笑菊采先芳玉圃新橙摘早霜傳送滿盤眞闕  
色分看隨手各矜香深憐便合移樽酌暫貯應須得  
蠡嘗獨醉秋堂卧風物一年晴雨任重陽

亭上限韻作

片雲黑日熱轉添忽有飛雨來纖纖任情玉杯但一  
弄乘興彩毫時復拈角巾芒鞋客竟日燕舞花明風  
滿簾垂頭人吏困自睡此地元非禮法嚴

送程生兼寄姑蘇五嶽黃山人

壓枝梅杏纍纍碧照眼櫻桃的的紅舟楫大江元晝  
夜路岐初夏有西東淹留欲暮林間日行坐惟便竹

下風秋水一帆湖海上爲傳雙鯉到吳中

寄水南子

孤雲晝陰董益寺迴風夕電南神岡林木颼颼起新  
色茅堂微微生嫩涼高人北牕枕書卧有酒誰與開  
尊嘗鬱蒸殘暑不須念雷雨時觀蒼龍翔

夏都諫勤鄴潞之戰惠見憶之作寄荅四首

廿年不入紫宸朝白髮猶能伴野樵敢向驪駒爭道  
路固知鵬鷲自雲霄狂歌見月時呼酒懶性臨風欲  
葉瓢寄與昔游青瑣客嶺雲溪雪記同招

二

焚草常懷杜拾遺從容退食梧垣遲人當名世汝其

輩國有中興今固時衰年丘園合潦倒大業竹帛能  
留垂迢迢故人寸心在日日苦吟雙鬢知

三

侍臣斧鉞雲中下山寨冰霜戰後行穿腦乍攀黎賊  
路石門重覽鄂王營中興崖石元留頌成笑朝廷敢  
論兵試向絕巔看大海年來波爲聖人平

四

岩堯上黨接壺關杖鉞冬行歷萬山巖凍雪埋擒虎  
窟壑腥雲嬾斫龍灣嶮嶮路透漁樵入蒼蔚林清鳥  
雀還爲問登高能賦者霜毫幾掃白雲間

熊監察至自河西喜而有贈

當年五郡乘軺過此日千城攬轡游封事幾騰天北  
極籌邊真歷地西頭崑崙壯壓胡塵斷弱水清翻漢  
月流若使巡行皆汝輩遠夷那繫廟堂憂

贈甥嘉生日

三月廿日生汝辰三十三迴全盛春流放一官今起  
詔艱難萬里昨歸身自從結髮朝明主每向彈冠論  
古人努力無令悲老大鳳凰臺側有麒麟

哭王舍人昇

金門鐘動會千官野老騎驢戴鶻冠走問常州王內  
舍昨朝客死漢長安悄然門巷賓朋絕迢遞家鄉行  
路難即使過君終挂劍肯令捫腹竟回鞍

哭亡友范副使淵其族孫進士永鑾寄其絕  
筆詩到

憶在先朝侍聖顏珮聲齊散紫宸班傷心畫省分官  
地並馬西湖舊看山絕命祗傳詞爛熳竄身誰述路  
間關江門墓近湘流咽拱木黃昏鳥雀還

有哀

漢陰丈人甘灌園海上漁翁非避喧零亂春鷗橫夕  
浦萋迷烟草入秋原祗將華髮悲人世不使黃金怨  
子孫思向桂山歌偃蹇月明天碧况聞猿

病甚與親友訣別遂爲絕筆

平生逸氣橫雲海一病侵冬歷夏秋小兒美人古有



此君子知命今何憂親從江國迎醫返滿擬家園賦  
雪遊載酒爲君何日起東原松竹翠修修

空同集卷第三十一

